



基督徒防疫法

逐个人掛喺罷，知影按呢是咧保護家己，同時嘛是保護別人。

倚在佇信仰防疫 liáh 外，咱嘛應當藉疫情來反省信仰。

文、圖 | Chiòh Bók-bîn 石牧民 / 國立臺灣師範大學兼任助理教授，知罪難改基督徒

COVID-19 疫情，taⁿ 佇咱台灣有得著控制；總--是，世界猶無好勢。最近一禮拜，全世界一工增加十 thóng 萬外个病例。全球穢著病毒 ê 人數，chit-má 較 chē 六百萬--ah。規个地球著災，這個苦難，hō 咱來思考「上帝攝理」ê 道理。咱對上帝有信，一方面，知影上帝掌權，袂 hō 咱擔袂起 ê 擔；猶一方面，相信上帝已經備辦超越肉體性命 ê 救贖。不而過，咱台灣有才調控制疫情，無 hō 伊炭開；世界其他地區，煞無法度較贏這個病毒。敢講上帝恩典無齊勻，有各樣？

論真，倚在佇信仰防疫 liáh 外，咱嘛應當藉疫情來反省信仰。防疫期間，咱看著 chē -chē 人逐工下晡做伙關心防疫指揮中心記者會，主動了解對咱個人、家庭防疫有幫贊 ê 資訊。逐个人掛喺罷，知影按呢是咧保護家己，同時嘛

是保護別人。規个社會，甘願家己較無方便，來同齊度過艱難。會得過，家己 ai 出力；毋過，家己無功勞，是靠眾大家。救恩，講落到底，嘛是按呢。上帝有備辦好勢，總是，咱著愛家己有欲愛 tih，才提會著。既然提著，咱著愛閣認知兩項：提有著救恩，毋是咱應該提著；知影通好去提，咱家己攏無功勞。

對這個疫情，咱按呢來反省，做基督徒 ê 款式，以及對信仰 ê 認識。嘛對按呢來知，問題毋是「按怎做基督徒來防疫」；顛倒，做基督徒 tō 是佇世間行踏，面對一切 ê 款式，包括防疫。🙏

【編者按】本文影音檔，請掃描QRCode。

